

衡山縣志卷三十六

仙釋

古

周老君號赤精子顓頊辛卯元年降於衡山教帝  
解紛塞兌治國安民滌蕩九黎陟明八愷有龍野  
紫髯之宛醜蛇身赤髮之渠魁力拔不周首觸山  
崩天低西北致日月之西行地亞東南使江海而  
東注君追呼六甲役御百靈訓之以微言之經教  
之以大順之道道藏

仙釋

衡山縣志

卷三十六

西王母謂上元夫人共造南嶽朱陵山食靈瓜其

味甚甘美

漢武帝外傳

按夫人三天上元之官統領十萬玉女名錄者也

漢

惠車子與嚴君平友善遊湘棲嶽尸解赤帝峯

南嶽

紀畧

按省志作車惠子

王妙想蒼梧女道士辟穀服氣居黃庭觀後仙去

嶽志



劉根未詳何許人雲遊四方晚歸南嶽之東峯煉

真服氣後仙去一統志

雙子辨號華蓋居士在靈芝峯修煉府志

王谷神蜀青城山道士渡荆渚泛瀟湘至南嶽居

金母殿胎息還元數年道成武帝封為太微先生

南嶽總勝集

皮元曜與王谷神居南嶽金母殿道成武帝封為

太素先生南嶽總勝集

李鳳仙南嶽女仙自幼不語人固問之乃答云知

衡山縣志 卷三十六 仙釋

白守黑道貴昏嘿楚舊志

賣薑翁未詳何許人日在嶽市賣薑有道士遇之

欲授以黃白之術翁不答但取擔上薑納口中須

臾吐出成黃金兩人相顧而笑自是不復見一統志

天師張道陵自天目山遊南嶽謁青玉光天二壇

禮祝融君祠嶽志

張正禮漢末入衡山服黃精顏色澤悅不知所終

或云仙去嶽志

按省志正禮受西城君虹景神丹患丹砂難得去廣州為道士仙去又治明期與正禮同在衡

山服虹景丹  
積三十餘年

晉

陳興明穎川人來南嶽天柱峯遇二真人授明鏡  
元真之道修之十八年以泰始四年戊子三月一

日昇府志

新野先生太康中與徐君採藥入衡山府志

施存號湖浮先生居衡嶽石室或跨白豹而出永

康元年四月昇舉湖廣通志

按嶽志施存居南嶽西峯洞門觀石室永康元  
年四月七日昇舉

衡山縣志

卷三十六

仙釋

三

魏夫人任城人司徒魏舒女名華存字賢女幼好  
道術慕神仙年二十四適南陽劉文生二子長曰  
樸次曰遐劉文後為修武令夫人齋於別寢一日  
遇羣仙授太上寶文及黃庭內景經遂得神真之  
道嗣值世亂夫人攜二子渡江樸為庾亮司馬又  
為溫嶠司馬安成太守遐為陶侃從事中郎夫人  
登衡山棲紫虛閣望前峯有妖氣祛之仰天臺白  
雲潭其遺迹也自是冥心齋靜真靈屢感年八十  
三以成帝咸和九年託劍化形白日飛昇位為南

嶽夫人唐顏真卿立碑紀其事嶽志

按省志叢談述集仙錄夫人以杖代尸升天扶桑大帝君授夫人青瓊之版丹籙之文治南嶽

巖下翁永和初有采藥衡山者道迷糧盡過息巖下見一老翁四五年少對執書告之以飢與以食

物如薯蕷指教所去六日至家不復飢湘中記

羅郁本姓楊九疑山中得道女簡文帝黃門郎羊

欣之祖權好道術郁降其家自告以姓名云因過

謫人間贈權詩並火浣手巾一條金玉條脫各一

枚隱形化去相傳在湘東山中楚舊志

衡山縣志 卷三十六 仙釋 四

按省志仙女羅郁名萼綠華昇平二年降權家

薛女真居南嶽尋真臺得道嶽志常有黃鳥白猿白

豹隨之集仙錄

尹道全天水人居衡嶽觀以永嘉九年正月九日

昇舉嶽志

六朝宋

徐靈期吳郡人修道南嶽遊巖洞山谷十五年無

不周覽作衡山記能制伏虎豹役使鬼神元徽中

白日昇舉一統志

按嶽志徐靈期以元徽二年九月九日於上清宮昇舉

齊

陳惠度潁川人初居茅山採靈藥貨之飲酒不食數年遂南遊挑兩笈盡金石之類至衡嶽選勝煉丹深夜為鬼所擾三揭丹爐惠度踞石誦黃庭內景經佩五嶽真形圖道力潛伏妖氛丹成光氣滿山以永明三年五月十三日昇舉府志

賈自然修道南嶽真人陳少微曰將有高真傳其

妙後遇青娥夫人降九一飛仙之祕南嶽總勝集

卷三十六

仙釋

五

衡山縣志

張曇要居招仙觀延興元年七月初三日昇舉嶽志

褚白玉字元璩隱南嶽十餘年採霞而食故南嶽

有採霞峯嶽志

梁

張潤玉衡山仙女嘗降沈警家贈以歌云洞簫響兮風生流清夜闌兮管絃適長相思兮衡山曲心斷絕兮秦隴頭楚舊志

張如珍南陽人居南嶽遇神仙授明鏡之道日照物理者天也照物形者鏡也天之道以清鏡之體

以明人能存天清鏡明澄心靜神則至道成矣虛其室則白自生定其心則道自生信哉言乎如珍修道九年而成以天監三年十一月十三日於九

仙宮昇舉

嶽志

雙師武帝時人自南嶽往永州止永之黃庭觀後

宿白馬巖脫月幌而去千年不壞

舊志雜識

按雙師殆仙於永自南嶽往初當為南嶽人南嶽雙氏有二仙於漢為雙子辨修煉南嶽靈芝

希遁天監中度天台遇惠海尊者云爾戒行無虧

衡山縣志

卷三十六

仙釋

六

當於南嶽方廣寺為會遁至南嶽詢無方廣名忽於七十二峯間遇精舍號方廣俄見海師曰汝何來遲耶此五百尊者道場未當居此當居西北峯頂如言結庵其處大通六年即其庵建方廣寺

南嶽

總勝集

王靈輿晉陵人初居五老峯夜夢神人謂之曰得道者當得福地靈墟汝往居朱陵之上峯紫蓋之鄰岫可以冲天遂遷居南嶽中宮旦暮朝斗祇感上真天監十二年七月昇舉

湖廣通志

按嶽志靈輿九江道士遷居南嶽中  
年羣真下迎天監十一年七月十三  
按南嶽總勝集今中宮前有片石其  
確靈輿朝斗石也  
舉又  
細於磨

鄧郁荊州建平人隱居衡山辟穀三十餘年惟飲  
澗水服雲母屑日誦大洞經武帝敬信殊篤為帝  
合丹帝起五嶽樓貯之躬往禮拜魏夫人白日臨  
降從少姬三十並著絳紫羅袿襪年皆可十七八  
許色豔桃李謂郁曰君有仙分尋當相候天監十  
四年忽見二青鳥悉如鶴大鼓翼鳴舞移晷方去  
郁謂弟子曰青鳥既來期會至矣少日無病而終

衡山縣志

卷三十六

仙釋

七

南史本傳

鄧彥達即鄧郁子也曾與徐靈期為友周遊靈山  
以天監十一年十二月昇舉嶽志

鄧郁之字彥達周遊靈山元徽中詔賜藥物於嶽  
麓山置上中下三觀為修煉所有神人語之曰洞  
門之中是招福之鄉延生之地善記弗忘丹成復  
回紫蓋峯天監十一年冬有八真人乘雲車羽蓋  
揖郁之就自然石壇昇去長沙府志

按嶽志寺觀類郁之居紫蓋峯東洞靈臺誦經  
遇魏夫人傳法得道又按鄧郁子彥達與鄧郁

之均有周遊靈山事後又同居南嶽且同在天  
監十一年昇舉既是同姓且復同遊同居同時  
似非兩不相知乃彼父名郁此名郁之彼以彥  
達爲名此以彥達爲字既名其父之名又字其  
子之名恐無是理意嶽志所云彥達卽鄧郁子  
子當作字而長沙府志之鄧郁之之字當是衍  
文否則嶽志之鄧郁名下當亦有之字總之三  
人止一人耳且嶽志載鄧郁辟穀洞靈臺載鄧  
郁之亦云居洞靈臺兩事大同小異有類重出  
可見二名必有一誤姑存俟考

周靜眞住持岫嶠峯下講堂如市武帝賜名曰普

賢觀

省志

慧海方廣寺開山祖師著大雲和尚要法一卷每  
誦經有五白衣長者列坐同聽問其姓氏乃本山

### 衡山縣志

卷三十六

仙釋

八

龍王也自言願獻寺基師諾之一夕擁沙成平地

遂建刹焉

一統志

海印居衡山善果道場宴坐禪定一志如初積數

年感動天地薪水自至虎蛇遠奔至陳光大初慧

思和尚自北來忻然合契由是上石橋別剎庵舍

號南臺

南嶽總勝集

廖冲字清虛大通中爲連山郡主簿後解官修道

過荆渚二神作妖起巨浪遂伏之令護船渡至南

嶽祝融頂遇太平眞君傳道要復謂二神曰吾居



郴陽作丹可爲吾守鑪他日丹就汝亦有分丹成  
歸鄉常乘一虎執蛇爲鞭年百餘歲陳光大二年  
昇舉南嶽總勝集

陳

慧思祖鏡武津李氏子嘗登祝融峯飛錫福嚴寺  
一日對眾指巖下曰吾前一生曾於此坐禪爲賊  
斷首使人尋之果獲枯骨一聚指西南隅大石下  
曰吾前二生居此亦拾髑髏於石下至叢密處曰  
此古寺也吾前三生居此掘之果有僧用器皿及

衡山縣志

卷三十六

仙釋

九

古寺基址又指兩石下得遺骸悉聚而瘞之塔其  
上而以三生名焉復於寺之東畔巖旁建臺爲眾  
講般若法眾患無水乃以杖擊巖下俄有二虎跑  
地泉遂湧出臺今爲般若臺泉今爲虎跑泉大建  
元年與道士歐陽正俱名至金陵封以勅印合還  
山爲大禪師大建九年六月示寂南嶽志專誦法  
華經得觀心之妙坐禪自夜達旦嘗謂眾云道源  
不遠性海非遙但向已求莫從他覓壽六十三以  
法附顛師而寂又一統志慧思頂有肉髻牛行象

視光大六年自大蘇山趨南嶽曰吾寄此山十載  
以後必事遠遊自此化道彌盛大建元年示寂  
國朝雍正十三年加封圓慧妙勝禪師遣有司致祭

隋

智者大師居天臺煬帝尊信之執弟子禮甚敬稱  
爲智者大師

嶽志

唐

雙龔祖字仲遠吳人居南嶽白馬洞得泝流之妙  
往來荆襄人莫測之復入南嶽遊五老峯遇至人

衡山縣志

卷三十六

仙釋

十

服霧氣之法久之入雲陽山秦人洞曰昔者赤君  
曾降此山乃朱陵之陽也於是誦黃庭玉經不輟  
因作黃庭觀以居後入九疑山白馬巖曰吾始於  
白馬洞而今終白馬巖必反吾真之地一日謂門  
人曰吾入室之後若有天氣異常速來報吾翌日  
中午四氣澄清弟子報之沐浴焚香寂然歸真遺  
月帔於木杪時貞觀元年夏四月也巖中臥席坐  
壇經二百餘年不潰

南嶽總勝集

張惠明貞觀末修真於衡山之北帝院遇石英夫

人傳道行抱一守真三五混合之法後尸解府志

按省志惠明趙郡人太宗詔於內殿致醮有感敕住南嶽封妙濟大師

司馬承禎字子微開元初自海上乘桴至南嶽結

菴觀北一里許張九齡屢謁之明皇合其弟承禕

招之校正道德經一統志

按嶽志承禎結菴九真觀北明皇深加禮待以開元二十三年仙化詔薛季昌主其觀

張果煉丹大酉山武后名之即自死後復見衡嶽

山中元宗名之賜號通元先生果善息氣能數日

不食自稱生於堯丙子歲嶽志

### 衡山縣志

卷三十六

仙釋

十一

按史記果隱終條山無煉丹大酉事史云後復見恒山中此云復見衡嶽山中易恒為衡恐是前志偶誤而嶽志仍之耳仍存俟考

薛季昌河東人遇司馬承禎於南嶽授以玉洞經

籙研真窮妙元宗召入禁中問以道德談極精微

乃賦詩贈之還山後丹成凌虛而去一統志

元宗贈薛天師往南嶽詩洞府修真客衡陽念舊居將成金闕要願奉玉清書雲路三天近松溪萬籟虛猶宜傳祕訣來往候仙輿

何志純永明縣人少從神仙周遊五嶽開元中司

馬承禎在祝融峯為建息菴法從甚眾有大虛鄧

虛中虛與志純號應虛爲四高足云省志

徐靈府元宗時徵士隱居南嶽注計然子書十二

篇嶽志

王旼號太和先生居衡山貌常如三十許人元宗

與貴妃楊氏禮而拜之訪以道術旼隨事立說大

約以修身儉約慈悲爲本在京累年天寶中請於

高密牢山合煉許之一統志

按省志旼作旻

瑗上人居衡嶽學道於五峯蔭松栖雲與狼虎雜

### 衡山縣志

卷三十六

山釋

十三

處天寶中攜瓶笠遊長安杖錫南返王維同崔興

宗作詩送之王維詩小引

汪子華蔡州汝陽人七八歲通經十三曉天文地

理開元中屢舉不第棄去與顏真卿同學長生術

祿山亂棄家南遊愛南嶽之勝結菴祝融峯下修

道九年不出世傳仙去嶽志

申泰芝字廣祥其先洛陽人徙邵州仁風村遊南

嶽於祝融頂遇異人傳金丹火龍之術旣而鍊丹

雲山之北遂能乘雲御風隱顯出入人莫能測以

天寶十四年八月十三日於雲山觀沖舉嶽志

按南嶽總勝集元宗召秦芝至京師言論稱旨  
敕還山未幾化去宋封妙寂靈修真人

懷讓一統志姓杜氏全州人先天二年至衡居般  
若寺天寶二年示寂南嶽志即七祖也生時感白  
氣之異十五歲出家志氣高邁詣曹溪參六祖得  
真傳居般若寺一日偶取一磚磨石上馬祖見之  
曰磨作何用曰作鏡曰磨磚豈能成鏡曰坐禪豈  
得成佛曰如何即是曰如牛駕車車不行打車即  
是打牛即是往復辨論馬祖豁然開悟天寶三年

### 衡山縣志

卷三十六

仙釋

十三

八月十一日示寂謚大慧塔曰最勝輪吏部侍郎  
歸登撰記

懶殘名明瓚天寶初居衡嶽寺為僧眾執役俟眾  
食畢即收所餘食之以其性懶而食殘故號懶殘  
李泌寓嶽夜往見之瓚方撥牛糞火煨芋出半芋  
食之曰勿多言領取十年宰相後果然瓚常垂兩  
涕泌贈詩云糞火但知黃獨美銀鉤誰識紫泥新  
尚無情緒收寒涕誰有工夫問俗人後為虎銜去

或曰尸解南嶽總勝集

按省志叢談李泌在衡山事明瓚禪師瓚云欲學者先將碑硯碎卻明瓚非宇大照之門人性懶羣僧令看鹽雨至流於池羣僧毆之不怒冬月臥於竈前不起以粥灑其頭因就頭取喫號懶瓚作明心論

懶殘辭名詩三十年來獨掩關使符那得到青山休將瑣末人間事換我一生林下間

道一卽馬祖也漢川什邡人容貌奇異牛行虎視引舌過鼻足下有二輪文開元中習禪於南嶽傳法院遇讓和尚密授心印學者雲集貞元四年正月登建昌石門山謂侍者曰吾之朽質當於來日歸茲地矣以二月一日踣跌入滅賜諡大寂府志

### 衡山縣志

卷三十六

仙釋

十四

國朝雍正十三年加封普照大寂禪師嶽志

希遷姓陳氏端州高要人直造曹溪得度未具戒

屬祖圓寂稟遺命謁青原天寶初之衡山南嶽寺

東有石狀如臺乃結菴其上時號石頭和尚著石

頭參同契一卷一統志嘗夢已與六祖同乘一龜遊

泳深池覺曰靈龜者智也池者性海也吾與祖師

同乘靈智遊性海矣遂著參同契貞元六年示寂

塔於東嶺德宗諡爲無際禪師

國朝雍正十二年加封智海無際禪師遣有司致祭嶽志

曇藏住南嶽西園蘭若本受心印於道一諡大寂  
禪師者後謁石頭希遷瑩然朗澈貞元二年遁南  
嶽之絕頂尋以足疾移止西園

住括年九十餘天寶初至衡嶽寺居月餘忽集僧  
徒懺悔殺人罪咎僧徒異之遂謂眾曰汝頗聞有  
徐敬業否卽我是也兵敗擒廝養似已者斬之吾  
逃入大孤山修道今來此已證四果矣預知卒期

葬於衡山

省志

道廣郴州人未卅卽棄俗禮佛參超和尚付衣鉢

# 衡山縣志

卷三十六

仙釋

十五

徧歷南嶽諸峯歸居開元寺默無所言人間亦不  
答歲旱置瓷缸五實水其中使童子五人研墨傾  
缸內大雨如注天寶二年冬十月跌坐瞑目而逝

異香盈室宋元豐五年賜號寂通證誓大師

省志

惠開姓歐陽世家潭州廣德二年始立大明寺於

衡山詔選居寺僧二十一人惠開爲首主戒事二

十二年宰相齊映李泌趙憬尙書曹王皋裴胄侍

郎令狐峘或師或友親執經爲弟子

南嶽總勝集

懷素字藏真長沙錢氏子一作范氏零陵人徙家

京兆元奘三藏之門人也疎放不拘細行飲酒以  
養性草書以暢志酒酣興發遇寺壁里牆靡不書  
之貧無紙乃種芭蕉萬株以供揮灑觀二王真跡  
及二張草書而學之書漆盤三面俱穴棄筆堆積  
瘞於山下曰筆冢其冢相傳在衡山縣東懷素塔  
旁素嘗云真書可比鍾繇而草固不減張芝又云  
嘗從鄔彤受筆法彤曰張長史私教彤云孤蓬自  
振驚沙坐飛余自是得奇怪草聖盡此矣顏真卿  
曰師亦有自得乎素云吾觀夏雲多奇峯常師之

衡山縣志

卷三十六

仙釋

十六

又遇折壁之路一一自然真卿曰何如屋溜雨痕  
素起握真卿手曰得之矣省志

懷素寄衡嶽僧詩祝融高坐對寒峯雲水昭邱幾  
萬重五月衲衣猶近火起來白鶴冷青松

日悟零陵蔣氏子突觀祕義修明要奧初居本郡  
龍興寺肅宗制天下名山置大德七人南嶽尤重

日悟推擇居首楚寶

承遠始學於成都唐公繼學於玉泉真公復居南  
嶽食土茹草敝衣垢面人從而化者萬計弟子法  
照代宗時爲國師言其師有異德天子南面禮之



名其居曰般舟道場德宗詔立爲彌陀寺貞元十八年年九十一終柳宗元爲碑記刻立寺門一統志

法照爲承遠徒居雲峯寺嘗與同志詣五臺見文殊修行說法爲時所宗大厯中爲國師嶽志

張太虛大厯中居衡嶽上清宮李泌師之後入元陽宮尸解德宗敕贈元和先生南嶽總勝集

田良逸居衡山風格清峻山人見者鄙吝盡消侍郎呂渭楊憑師事之元和初祈雨潭州披髮登輿

嘿然斂口到郡終無一語俄而雨降省志

### 衡山縣志

卷三十六

仙釋

十七

蔣含宏卽田良逸友也善符術自晦其道不令人

知居九真觀一日遣弟子至縣市物不及期還詰

其故云於山口見一巨獸良久不去以故遲滯含

宏卽以一符置所見處明日獸踏符下含宏曰我

意以符卻之耳旣以害物安用術爲取符本焚之

自是絕不畱意後與良逸俱蛻去省志

元應柳實衡山人元和初結伴往愛州艤舟合浦

夜半颶風起舟漂入大海抵一島陟焉因謁南溟

夫人夫人命侍女送客去贈玉壺一枚題曰來從

一葉舟中來去向百花橋上去若到人間扣玉壺  
鴛鴦自解分明語俄度長橋侍女以一琥珀合子  
付二子曰吾輩水仙也吾子甫三歲夫人命與南  
嶽神爲子曾憑回雁峯使者寄吾子所弄玉環使  
者隱之望二君持此合子至回雁峯前訪使者廟  
投之當得玉環爲訪吾子當亦有報二子受之回  
岸時已十二年歸衡山中途因餒叩壺果有鴛鴦  
語以飲食處食畢不思他味至家妻各謝世遂相  
與訪使者廟以合子投之空中復有擲玉環者二

衡山縣志

卷三十六

仙釋

十八

子取之送嶽廟及歸有黃衣少年至家投以起死  
藥遂活妻室後遇南嶽太極先生以玉壺告之曰  
吾藏玉液者此壺也亡去數十甲子甚喜再見二  
子因隨詣祝融峯自此得道去

玉壺記

按省志元應作元徹二人因赴嶺外渡海舟漂  
抵一島見五色芙蓉高百餘尺雙鬢白蓮葉中  
來徹實向之求返雙鬢曰少頃玉虛尊師與南  
溟夫人會此宜堅請之言訖有道士乘白鹿至  
夫人衣五彩玉肌流豔徹實拜懇夫人命以百  
花橋渡之贈以玉壺高尺餘附錄以補未詳

俞靈瓚河間人入衡山修道遇南嶽赤君授以回  
風之術元和中至郴州官吏聞其異訪之卽曰我

偶然耳非有所知也尋入九疑山絕粒仙去

列仙傳

按嶽志靈蹟住九真觀修道十餘年仙去

軒轅彌明不知何許人年九十餘往來衡湘間元和七年將遊太白舊識進士劉師服在京彌明過之止宿有校書郎侯喜與劉說詩時方擁爐夜坐彌明忽指爐中石鼎謂客曰子能詩與我賦此乎師服首題曰巧匠琢山骨剡中事煎烹喜綴其下曰外包乾蘚文中有潛浪驚彌明高吟曰龍頭縮菌蠢豕腹脹彭亨師服又曰大若烈士膽圓如戰

衡山縣志

卷三十六

仙釋

九

馬纓喜曰在洽足自安遭焚意彌貞彌明又令師服書曰秋瓜未落蒂凍芋強抽萌師服又吟曰磨礮去圭角浸潤著光晶又授喜喜曰旁有雙耳穿上爲孤髻撐彌明日時於蚯蚓竅微作蒼蠅鳴夜將闌二子倦彌明又連唱曰何當出灰地無計離餅罌謬居鼎鬲間長使水火爭形模婦女笑度量兒童輕徒爾堅貞性不過升合盛甯依炎熱做不與寒涼并忽罹翻溢愆實負任使誠陋質荷斟酌狹衷愧提擎豈能煮仙藥但未污羊羹區區徒自

効瑣瑣安足呈難比俎豆用不爲手所撻願君勿  
嘲諷此物方施行詩成出莫知所往二子攜詩詣  
昌黎韓愈愈曰吾聞有隱君子彌明豈其人耶遂  
爲石鼎聯句詩序

按彌明或云爲南嶽水簾洞道士石鼎聯句其  
後二子既不能續道士又唱出四十字爲八句  
章乃就今嶽志所載又連唱曰以下凡百一十  
字共二十二句與序不符又省志亦載石鼎聯  
句全詩字句間與嶽志有異三人賡續次第亦  
迥殊且比嶽志所載多十餘韻因並錄於後以  
備參考

師服首唱云巧匠斲山骨剝中事煎烹喜云直柄  
未當權塞口且吞聲彌明云龍頭縮菌蠢豕腹脹  
彭亨師服云外包乾薛文中有暗浪驚喜云在冷

# 衡山縣志

卷三十六

仙釋

二十

足自安遭焚意彌貞彌明云謬當鼎鼎間妄使水  
火爭師服云大似烈士膽圓如戰馬纓喜云上比  
香爐尖下與鏡面平彌明云秋瓜未落蒂凍芋強  
抽萌師服云一塊元氣閉細泉幽竇傾喜云不值  
輪寫處焉知懷抱清彌明云方當洪鑪然益見小  
器盈師服云皖皖無刃蹟團團類天成喜云遙疑  
龜負圖出曝曉正晴彌明云旁有雙耳穿上爲孤  
髻撐師服云或訪短尾銚又似無足鎗喜云可惜  
寒食毬擲此路傍坑彌明云何當出灰地無計離  
餅罌師服云陋質荷斟酌狹衷愧提擎喜云豈能  
煮仙藥但未汚羊羹彌明云形模婦女笑度量兒  
童輕師服云徒示堅貞性不過升合盛喜云傍似  
廢鞍仰側見奇軸橫彌明云時於蚯蚓竅微作蒼  
蠅鳴師服云以茲翻溢愆實負任使誠喜云常居  
顧盼地敢有漏泄情彌明云甯依暖熱傲不與寒  
涼并喜云區區徒自効瑣瑣不足呈師服云迴旋  
但兀兀開闔惟鏗鏗彌明云全異瑚連貴空有口  
傳名豈比俎豆古不惟手所撻磨礧去圭角浸潤

著光精願君莫嘲誚此物方施行

韓愈石鼎聯詩序元和七年十二月四日衡山道

士軒轅彌明自衡山來舊與劉師服進士衡湘中

相識將遊太白知師服在京夜抵其居宿有校書

郎侯喜新有能詩聲夜與劉說詩彌明在其側貌

極醜白髮黑面長頸而高結喉中又作楚語喜視

之若無人彌明忽軒衣張眉指爐中石鼎語喜曰

子云能詩與我賦此乎劉往見衡湘間人說云年

九十餘矣解捕逐鬼物拘囚蛟螭虎豹不知其實

能否也見其老頗貌敬之不知其有文也聞此說

大喜即援筆題其首二句次傳於喜喜踴躍即綴

其下云云道士啞然笑曰子詩如是而已乎即袖

手竦肩倚非牆坐謂劉曰吾不解世俗書子為我

書因高吟曰龍頭縮菌蠢豕腹脹彭亨初不似經

意詩旨有似譏喜二子相顧慚駭欲以多窮之即

又為而傳之喜喜思益苦務以壓道士每營度欲

出口吻聲鳴益悲操筆欲書將下復止竟亦不能

奇也畢即傳道士道士高踞大唱曰劉把筆吾詩

# 衡山縣志

卷三十六

仙釋

三

云云不用意如初而語益奇皆侵劉侯劉與侯已

賦十餘韻彌明應之如響皆穎脫含譏諷夜盡三

更二子思竭不能續因起謝曰尊師非世人也某

伏矣願為弟子不敢更論詩道士奮曰不然章不

可以不成也又謂劉曰把筆來吾與汝就之即又

唱出四十字為八句書訖使讀讀畢謂二子曰章

不已就乎二子齊應曰就矣道士曰此皆不足與

語此豈為文耶吾就子所能而作耳非吾之所學

於師而能者也吾所能者子皆不足以聞也獨文

乎哉吾語亦不常聞也吾閉口矣二子大懼皆起

立牀下拜曰不敢他問也願聞一言而已先生

稱吾不解人間書敢問解何書請聞此而已道士

寂然若無聞也累問不應二子不自得即退就坐

道士倚牆睡鼻息如雷鳴二子但然失色不敢喘

斯須曙鼓夔夔二子亦困遂坐睡及覺日已上驚

顧覓道士不見即問童奴奴曰天且明道士起出

門若將便旋然奴怪久不返即出到門覓無有也

二子驚惋自責若有失者問遂請子言子不能識

其何道士也嘗聞有隱君子彌明豈其人耶  
宋文天祥跋婁君復詩卷云余去年行嶽麓下遇  
山人談彌明出處謂入桂堯廟有彌明題墨在焉  
世見石鼎聯句高古奇崛謂是昌黎寓言今觀婁  
君三卷則知彌明適孫正自堂堂也何寓言之疑  
之有又贈丁相士詩云自說衡山道士孫至今句  
法有軒轅世人未見題  
堯廟盡把昌黎作寓言

劉元靖武昌人初師王道宗道宗仙去元靖感悟  
遂登南嶽峻峯鑿石穴以居絕粒鍊氣敬宗召入  
思政殿問長生術尋放歸武宗復召入禁中受法  
籙賜號廣成宣宗時仙去惟杖履在嶽志

軒轅集羅浮人居衡山年過數百顏色不衰宣宗

# 衡山縣志

卷三十六

仙釋

三

召入內庭問長生術集曰屏聲色去滋味哀樂如  
一德刑無偏自然與天地合德日月合明長生之  
術在是矣辭歸山至江陵於一布囊中探金錢以  
施貧者約數十萬中使從之忽失其所在嶽志

韓威儀大中初居衡嶽修符得道南嶽總勝集

廖法正一名通元郴人也幼從方外得費長房劉  
根之術服水晶雲母不染世味久之白日飛昇嘗  
棲衡嶽韓昌黎遊衡深器重焉集中有送廖道士

序嶽志

按湖廣通志法正嘗為景星觀道士咸通初召  
至京欲拜之官不受力求歸重餽之又不受賜  
號元妙真人

韓愈送廖道士序五嶽於中州衡山最遠南方之  
山巍然高而大者以百數獨衡山為宗最遠而獨  
為宗其神必靈衡之南八九百里地益高山益峻  
水清而益駛其最高而橫絕南北者嶺邨之為州  
在嶺之上溯其高下得三之二焉中州清淑之氣  
於是焉窮氣之所窮盛而不過必蜿螭扶輿磅礴  
而鬱積衡山之神既靈而邨之為州又當其中州  
清淑之氣蜿螭扶輿磅礴而鬱積其水土之所生  
神氣之所感白金水銀丹砂石英鍾乳橘柚之包  
竹箭之美干尋之名材不能獨當奇也意必有魁  
奇忠信材德之民生其間而吾又未見也其無乃  
迷惑沒溺於佛老之學而不出耶廖師邨人而學  
於衡山氣專而容寂多藝而善遊豈吾所謂魁奇  
而迷惑沒溺者耶廖師善知人若不在身必在其  
所與遊訪之而不吾告何也於其別申以告之

衡山縣志

卷三十六

仙釋

三

白椿夫字永年僖宗時人居南嶽能役鬼神驅妖

怪為人消病無不驗一統志

寰中僖宗時人文辭豐贍年二十五中甲科然未

塞其懷遭母憂廬墓服闋徑往北京童子寺出家

後隱南嶽諫議崔深重之為別立方丈虞淵景晞

一飯永日其山之水羸瓶遠求深宵有虎嘯廬側

旦視之檻泉湧地足其汲用年八十三終於杭乾

符丁酉敕諡性空大師舊志雜識錄  
武林梵志

譚峭字景升國子司業洙之子好黃老諸子及周

穆漢武茅君列仙內傳靡不精究後遍遊名山居南嶽鍊丹成服之入水不濡入火不灼著譚子化

書六卷一統志

按嶽志峭於嵩嶽得辟穀養氣術

張白膠辟穀衡山雲隱峯日飲深醉不知何處得酒偶歌云山花頭上插酒向口中傾醉眼看醒漢

茫茫盡喪真後莫知所終楚舊志

鄧紫陽南城人性剛毅負濟世材無所用遂遨遊谿壑間訪南嶽朱陵洞天謁青玉光天二壇禮鄧

### 衡山縣志

卷三十六

仙釋

二四

真人嶽志

華幽棲遊西蜀二十四年歷荆渚沂瀟湘修真五峯下於石臺上注靈寶經臺上煙雲繚繞如香篆

遂名天香臺後尸解嶽志

真人王君少慕神仙後遂攜妻入衡山精思修鍊遇太虛真人授以素書二十五卷得太上靈丹之

道白日飛昇嶽志

王十八衡山人劉晏少好道術嘗遊長安藥肆見道者四五人飲酒談謔極歡既而曰世間更有何



人得似我輩者一人曰王十八晏心識之及爲僎南刺史道過衡山縣館焉時春日和暖郵吏具食陳冷菜甚芳潔詢所自來則官園子王十八種也晏驚憶道者語遂往見之衣犢鼻褌灌畦狀貌山野問其家屬對曰飄蓬不省所自何親屬之有晏言於縣攜往任所既登舟與同坐食俄而十八患痢舟隘窄左右掩鼻晏終無厭忌色未幾死葬之路隅後晏歸朝復過衡山縣令問曰使君前攜園子去何歸之速也晏驚問何時歸曰去後月餘卽

衡山縣志

卷三十六

仙釋

三五

歸晏驚甚卽步至園中鄰人曰王十八昨暮去矣詢其到縣之日乃途中疾卒之辰也遣人往瘞所發其棺僅存衣服而已晏至京得重疾將屬纊聞叩門聲甚急稱王十八求見引入臥所出藥三丸晏服之蹙然而起與之金帛不受又三十年晏乃

死

嶽志

按湖廣通志晏歸朝王十八出藥三丸與之遂巡欲去晏再拜挽留不可但曰藥一粒可延十年晏拜相領鹽鐵坐事貶忠州已三十年矣一日十八復至以鹽入水飲晏乃吐出前藥三丸晏有姪在側攬而吞之十八熟視曰汝有道氣吾固知當爲汝掠也去不復見又舊志雜識載

國朝乾隆癸酉邑黃某病膈將危夜夢同庚亡友曰  
某日往巾紫峯有肩搭布袋者跪呼是道人乞  
救可活醒不之信次夜又夢如是及期黃輿至  
山半俄而道人至乃跪呼之問誰教爾來黃以  
夢告遂取袋中一丸云加藥數味服之如言而  
愈人以爲是字半寓王十八字

唐若水魯郡人爲衡嶽道士得胎元谷神之道嶽志

陸禹臣字服休河東人避黃巢亂入南嶽得仙術

後尸解爲紫府仙伯全唐詩小傳

緱仙姑長沙人年八十餘容色如少年居衡嶽魏

夫人壇修道壇側多虎遊者結隊執兵而入姑了

無所憚嶽志有一青鳥飛來爲伴每有人遊山鳥必

衡山縣志 卷三十六 仙釋 三

預報姓氏及期一一皆驗後入九疑山仙去一統志

邊洞元洛陽人風狂混塵醉酒入水不復出後有

客自衡湘至洛陽洞元於南嶽寄書友人敘舊見

題墨乃洞元親染皆曰水仙南嶽總勝集

聶師道歙人裴樞治歙州當唐祚之季詔令不通

池州陶雅宣州田頽舉兵圍歙歙食盡援絕議以

城降而城中殺外軍已多無敢將命出者師道自

請行乃縋城出二將與之語大悅城中人獲全嘗

遊南嶽訪洞靈宮之勝已而還廣陵未幾尸解嶽志

惟勁住南嶽般若寺師雪峯友元沙深入元奧嘗  
續寶林傳四卷別著南嶽高僧傳皆行於世府志

元泰沈靜寡言常著一布衲時謂之泰布衲始事  
德山後謁石霜掌翰二十年與貫休齊已爲友後  
居蘭若曰金剛臺誓不立門徒四方後進依附者  
皆友之嘗以衡嶽多被山民斬伐燒畚乃作畚山  
謠遠邇傳播達於九重詔禁止之山木遂得稍畱  
陰崖絕壁間千百年古柏喬松間有存者泰布衲  
之力也示滅後建塔迎雲亭側其謠詞詳風俗府志

衡山縣志

卷三十六

仙釋

二十七

行思姓劉安成人早歲出家每羣居論道行思嘿  
然往參曹溪法席六祖深契之爲諸法徒冠嶽志

祝融峯道者未詳何許人嘗愛飲醜人戲投以毒  
輒吐地石裂體無恙每行林壑有一蛇一虎相隨  
或禪人就問宗旨出語疾若雷霆將入寂謂衆曰  
吾當畱片骨與汝爲福田衆昇以茶毘薪盡火滅  
果得片骨如琵琶大與火同色衆建塔以藏府志

行明姓魯吳郡人遊方問道初至五臺峨嵋後入  
衡嶽居祝融峯下與泰布衲交好矢志勤修卒成

正果嶽志

按省志作行民

佛心姓姚福州人幼依海印隆繼參靈源每一出入必揮淚自訟曰此時我見得甚分明止是當幾吐不出靈源服其勤篤後闡化上封寺嶽志

惠日姓慶氏濮陽人早歲達道隱居衡嶽寺盧藏

用作十八高僧序惠日其一人焉一統志

唐盧藏用十八高僧序夫理存於業理契則業忘心宅於形心寂則形勝豈不以體會機化通我同人馳無役有而昭台出生入死而無際古之懸解者懷挾海嶽提挈天地掌擲干界身沒一絲前際

### 衡山縣志

卷三十六

仙釋

三

後際其非動無去無來而常樂豈支離其德孟浪其言哉蓋同體大非而無不能自物也則有泳其洪波志其小行指元源以驤首和幽鍵而少留亦能押闔形神度越茲數則衡嶽思海之列可得而稱矣衡嶽寺者梁天監三年立本名善果暨陳改為大明有隋號為衡嶽則衡山之星也二十八宿上飛翼軫之晶三十六都下蟠吳楚之紀般駁舒蔚燦爛炳煥以萬珠松標玉聳清蒼璫錯以億尺水碧巖霜而育粹雲芝貯秀以孕直幽岫滅氣絕頂無積遊其質者則蘧廬清明挹其靜者則營魄淵澹信神明之所棲遲也故高人接踵於此遊靈迹葳蕤道風綿邈自鷲巖西闕象教東流勝濁雖多宗元或替至於仗智慧劍懷煩惱軍理以意傳階惟神遇者未有斯美之盛也然而年代悠邈故老或遺真銓緬微後生何述有沙門惠日俗姓慶氏濮陽人也息心達道利見觀方自北徂南爰憩茲樂如空寂舍覺今昔常然道清涼池知我人非遠備聞眾異祇觀前修而山間朴畧簡編無次遂

覃思翰墨博采遺風事無虛美務存摭實自思大  
師州一十八人著之於傳藏用早遊斯道頗涉藝  
文承日公之思獎聞眾真之故事心存目想若見  
斯人倘茲理或存亦旦暮之期也遂懷鉛秉翰序  
其傳  
焉

審承福嚴寺僧相國李公問何如是祖師西來意

指庭前柏樹三問三答皆如是李賦詩云出沒閑

雲滿太虛元來真相一塵無重重請問西來意惟

指庭前柏一株

府志

良雅住福嚴寺眾問如何是和尙家風答曰入門

便見

嶽志

### 衡山縣志

卷三十六

山釋

五

保宗依石霜有年後住福嚴寺

嶽志

守安南臺寺僧有詩云南臺靜坐一爐香終日凝

然萬慮亡不是息心除妄想都緣無事可思量

嶽志

休休唐高僧鬚髮鬍髻居南嶽普賢峯東北石室

中無煙火器具人詰之但云休休壽百數十歲

省志

天然住丹霞寺本儒生往應舉遇禪者問何往曰

選官去曰選官何如選佛曰選佛當詣何所曰江

西馬祖處是也乃往見馬祖祖曰南嶽石頭是汝

師遂抵嶽落髮壽八十三示寂謚智通禪師

嶽志

元光海東熊州人少穎悟來衡山見思大和尚後

返錫江南嶽志

後唐

吳涵虛字含靈江山人俗呼吳獠出家為道士居

衡山華蓋院室無煙火好睡經旬不食嘗言若要

閑即須懶素不攻文忽作上昇歌以清泰二年昇

舉宋乾祐中有人於嵩山見之省志

南唐

伊用昌南嶽道士楚學士廖匡圖母病思鱠值江

衡山縣志

卷三十六

仙釋

三十

水暴漲魚不可得用昌作木獺長三寸許投江中

須臾擒一巨鱗出作鱠食匡圖母病尋愈十國春秋

鐵冠先生姓樊氏嘗騎白牛至衡嶽楚王馬希範

師事之後希廣嗣位不知所之南嶽總勝集

洪道衡山石羊鎮僧楚王馬希範召為報慈寺住

持不應命遁入深山有鳥千萬和鳴隨之或曰此

山鳥聲幽逸得非和尚在彼耶果尋得之希範以

為國師未幾乞歸不知所終五代史補

宋

率子廉衡山農夫也晚隸南山觀爲道士其巔末

詳蘇東坡傳

傳云率子廉衡山農夫也愚樸不遜

西南七里有紫虛閣即魏夫人壇也道士以荒寂不肯居者惟子廉樂之端然而已莫見其所爲然頗嗜酒往往醉臥山林間雖有風雨至不知虎狼過其前亦莫害也故禮部侍郎王公祐出守長沙奉詔禱南嶽訪魏夫人壇子廉方醉不能起直視公曰村道士愛酒不能常得得輒徑醉官人恕之公異之載與俱歸居月餘落窳無所言復送還山曰尊師韜光內映老夫所不測也當以詩奉贈既而忘之一日晝寢夢子廉來索詩乃作二絕句書版置閣上眾道士驚曰率牛何以得此太平興國五年六月十七日忽使謂觀中人曰吾將有所適閣不可無人當速遣繼我者眾道士自得王公詩稍異之矣及是驚曰天暑如此率牛安往狼狽往視則死矣眾始大異之曰率牛乃知死日耶葬之

### 衡山縣志

卷三十六

仙釋

三

嶽下未幾有南臺寺僧守澄自京師還見子廉南薰門外神氣清逸守澄問何故出山笑曰閑遊耳寄書與山中人澄歸乃知其死驗其書則死日也發其冢杖履而已東坡居士曰士中有所挾雖小技不輕出也況至人乎至人固不可得識至人者豈易得哉王公非得道不能知率牛之異也居士嘗作三槐堂記意謂公非獨慶流其子孫庶幾身得者及見率子廉事益信其然公詩不見全篇書以遺其子孫輩使求之家集而補之或刻石寄紫虛閣上

夢英即宣義大師祝髮南嶽工篆法宋乾符五年召至京陳希夷先生與當時宰執俱贈以詩晚歸

終南老馬

嶽志

按宋無乾符年號當作乾德又按省志英號臥雲叟與郭忠恕同時習篆皆宗李陽冰有所書

徧傍字源及集十八體書刻石於長安太宗召之贈紫服陶穀皆贈以詩

藍方字元道隱居南嶽接物以和人呼為笑先生

仁宗召見館於荒林園賜號養素

南嶽總勝集

羅道成郴州人慶厯間嘗遊南嶽乘白驪行石上

遺跡尚存

省志

泉谷泉南人少聰警初造汾陽謁昭禪師師奇之

登南嶽住懶殘巖後移居芭蕉菴嘗夜坐祝融峯

見大蟒解衣帶縛之乃化為松蓋松妖也又嘗負

大石像置南臺寺人莫能舉嘉祐中以事株連配

# 衡山縣志

卷三十六

仙釋

三

通州盛暑負土通衢弛擔說偈而化

嶽志

按省志嶽志皆作谷泉

佛慧居衡之南禪趙抃日親之後抃典青州政事

之餘多晏坐忽大雷震驚即契悟作偈曰默坐公

堂虛隱几心源不動湛如水一聲霹靂頂門開喚

起從前自家底慧聞笑曰趙閱道猶撞彩耳怵卒

慧悼以詩曰仕也邦為瑞歸歟世作程人間金粟

去天上玉樓成慧劍無纖缺冰壺徹底清春風殺

水路秋月照人明

司馬光集趙清獻公傳



懷志姓吳婺州人嘗欲會通諸宗異義有禪者問曰杜順賢首宗祖師也而談法身則曰懷州馬吃禾益州馬腹脹此偈合歸天臺何義不能對即遊方至洞山謁淨真問古人一喝不作一喝用意旨何如淨叱之趨出淨笑呼曰浙子齋後遊山好師忽領悟久之辭去菴居於衡嶽石頭二十年不與世接有偈曰萬機休罷附癡憨蹤蹟時容野鹿參不脫麻衣拳作枕幾生夢在綠蘿菴崇甯元年往見龍安照禪師居於龍安最樂堂明年六月晦問

衡山縣志

卷三十六

仙釋

三五

侍者日早暮日已夕笑曰我睡已覺遂寂

府志

道楷政和間卓錫衡嶽芙蓉峯三詔不起賜紫袈裟加照國禪師號不受上怒遣使脅之有司以老病爲之辭楷曰無病竟受笞有司謂之曰何自苦乃爾楷曰無病而以病求免是欺心也

省志

陳崇政修道於辰溪大酉觀有奇術能致雷雨辟穀三十年惟飲清泉或食瓜果年八十行走如飛政和中遊南嶽委蛻於祝融峯其徒舉其尸輕如

蟬蛻蓋尸解云

一統志

了信南臺寺住持有詩名張南軒遊嶽讀其集題  
曰蕭然僧榻碧雲端細讀君詩夜未闌門外蒼松  
風雪裏比君佳處讓高寒嶽志  
何尊師不知何許人頗喜繪事居衡嶽人問其氏  
族但曰何何問其鄉里亦曰何何因號何尊師居  
衡百餘年狀貌不改往來五峯間行步如飛嶽志

明

見心名來得自號竺曇叟豫章人洪武初奉敕選  
天下高僧入侍召至京著澹遊集三卷嶽志

衡山縣志

卷三十六

仙釋

三十四

無礙南嶽紀略南臺寺僧宏治初從信陽來披一  
衲百結如粟穗坐天柱峯下獅子巖口啖苦菜不  
穀食者三十年堅苦動眾爲建寺居之明劉陽有

無礙山房記

記云南臺者荒址也因無礙而再闢

一勝矣南軒晦菴二先生嘗倡和雪中其詩曰相  
望幾蘭若勝處是南臺斯南臺之勝宋乾道間見  
之矣無礙初信陽人也持一鉢至天柱峯下曰獅  
子巖巖中僅容木榻無礙坐木榻啖野菜不穀食  
者七年邑中人苦之乃謀所以居之者矣宏治間  
大崖李世卿遊衡山記所稱有僧巖居食生菜衣  
百結如粟穗見人嘿嘿者即無礙也野雲孤鶴飄  
飄然無與於斯世者似其人也昔余初至主無礙  
及再至弔無礙矣今再至空山寒谷其能已於無  
礙懷耶昔臥山房干崖冰雪雪芝挂崖石乃無礙

爲余赤腳踏懸崖上取之餉余余爲賦雪芝以答之俟三十年冰雪如昨也茲與諸君對牀上方乃於斯人至激余衷彼其所求何堅苦刻勵也彼蓋無求於溫飽者乎彼蓋勞其筋骨餓其體膚忍其性增益其所不能者乎君子成天地之性直不爲彼所能而已顧不足以激余也哉因以質之諸君無礙之徒明通乃欲傳無礙堅苦之行謂余三度寒臘於茲山房當有留於山房者茲漫識云

開緣號無盡順天人嘉靖間與僧寶珠同遊南嶽初棲明月峯又得花藥僧元章山莊於水參峯之麓居四十餘年草衣木食悟佛心印年七十坐化

省志

圓昂號遜安衡陽人祝髮花藥寺參南嶽無盡和

# 衡山縣志

卷三十六

仙釋

三五

尚遂嚴戒律習教明宗知佛心印曾在南嶽建雲龍寺以萬曆壬辰入寂葬小松山武陵龍德孚銘其塔曰南嶽胡來西天胡去丕振宗風洪沾法雨五葉有傳一葦可渡無生無滅何去何住勗哉後

人永修禪土

府志

達觀萬曆間奉勅至南嶽因隱焉有詩鐫廟石云修廟還栽廟裏松廟修雲外鶴巢空何如依舊不修廟留得長松老化龍

嶽志

憇山萬曆間國師被譴戍電白已而赦還寓衡之

湖東寺隨處說法題詠甚多

省志

真文號知休華亭人幼業儒遇異人誦黃庭經內  
觀調息十餘年後入都聽秀師說法悟曰空王之  
道大矣遂祝髮爲僧與圓昂併往少陵參學大章  
小章悟佛宗旨隆慶丁卯遊南嶽結茅淨瓶巖而  
圓昂居小松山往復參證並稱辨才

府志

文羽運字參儀少好元後爲諸生食餼有年天啓  
間以歲貢任武昌教授忽棄官時太守李藩司劉  
亦好元而有得者與論參同契甚合相結而去後  
邑人有李姓者見之京師

舊志

衡山縣志

卷三十六

仙釋

三六

李常庚號皓白青州人生而好道年二十餘遊公  
卿間名藉甚已而嘆曰京師緇塵化盡勞人富貴  
幾何朝華易悴自此出遊名勝天啓甲子入武當  
至均陽滄浪亭遇道者龐眉丹顴年可六七十許  
號爲四維長者道俗言半百者爲年長者居山多  
年予爲兒時見之貌已如此或測之以爲羅念菴  
也常庚旣遇異人益潛心元學結茅隆中與諸葛  
草廬相對又念中原戰場不可久居乃泝江漢過

洞庭卜居衡嶽之朱陵洞口九仙臺建飛觀數間

買山田若干畝日覽諸子書隨筆各有論著晤仕

路人必勸以存心救民常庚之來衡也時民難方

殷曾出死力解兩家之厄全獲生靈無算著書名

瑣碎錄李燦為敘其端敘云語言文字末也道本

在昔至人破光埋照人莫得窺其際其不得已而

有言覺後覺爾末季或胸無所知而妄言著述將

以求所謂無實之名此其用心已無足論矣況所

言又無纖毫之補於世也先儒唐順之之言曰今

世達官科第稍有名目者其後必有一部詩文刻

集幸其所刻旋自泯滅不然即以天地作架子亦

安頓不下人有以著述勉章楓山先生考先生曰

先哲至矣盡矣刪繁可也文章小技夫我不暇嗟

衡山縣志

卷三十六

仙釋

三

乎此其視近世刻集為何等物而豈僅灾梨之笑  
云爾哉予方外友皓白篤志真修年垂耳順躬行  
實踐於經世出世之務一一從艱貞淵塞中錘鍊  
而出每山棲孤寄與予上下古今往復論析天下  
人情物理氣運消長寒暑代謝間及官星數術昆  
蟲草木之微罔不溯幽探蹟期於實落根據而後  
止顧未嘗竊竊以撰著為事乃獨取平日目所偶  
及賸册殘書單詞隻語或痛癢偶觸於其身或勸  
戒可昭於來許或許謨雅論可襄王化或清機妙  
緒符契道真隨處錄之久乃成帙自名之曰瑣碎  
錄噫是誠瑣碎也與哉入元圃者所見皆夜光明  
月遊藥珠者所遇皆火齊木難苟得乎是而珍之  
可以復性可以立命可以用世可以出世尼山祇  
園與夫柱史家合為一書非語言文字比也若夫  
風雲月露侈無稽之利口詖淫邪遁為名利之先  
資是皓白之罪人也皓白豈為是哉

國朝

彭而述送道士李皓白歸南嶽序順治庚寅客寓  
衡北之香水菴晤道士李常庚皓白者談方外事

甚悉生青齊長遊南陽以今  
衡嶽之九仙觀修軀黃面風髯參參如澗下松著  
藍袍揮棕欄扇神峯秀朗崖壑生眉宇間時天氣  
蒸暑流石磔金羣蚤成雷與道士談殊脩然不為  
所苦為出九仙觀圖說乞予言迷鑄之石予謂之  
曰是名根也道士固介出世入世之間者也聞方  
人為予具言曰往歲道士來衡時夷梗未闢民難  
方隆道士曾出死力以解兩家之爭視其舌尚在  
衡民迄今尸祝之是豈黃冠之流也哉為人排紛  
解難飄然物表仲連之徒與抑其功成身退為而  
不有誠有合於道家守雌守黑之說矣若夫九仙  
觀自有說不必以此重累道士搜神記固知非于  
寶不作耳  
明張同做贈李皓白來衡山詩食盡蹲鴟兩鬢蒼  
祝融紫蓋霧茫茫繩牀丹竈白雲裏不把長生授  
始皇

國朝夏嘉瑞九仙觀贈皓白道士詩二首九仙峙南嶽  
數入幽人夢屐杖入雲層松陰滿深洞奇花不記

### 衡山縣志

卷三十六

仙釋

三

名飛巒百丈控石豹偏嵌空清風時入貢雲車下  
高真鶴峯若相送璫棗陳繁陰篁籟釋鷗千弄吾師  
住山人夢譜堪折衷黃房玉煉顏海日心源動蕊  
笈盡披探劍錄元元韻好譜斑龍膏莫教石髓凍  
破碎五侯七貴人浮游遞更代八風排紫螭蟻足  
翻鰲背放眼望神州垓埏高拳塊何時掛安期浮  
邱聯水佩我家神禹裔君衍伯陽誨珍重百琅函  
元鹿方十倍許長庚次魏子韻贈李皓白詩掘  
山餐玉曾稱李青齊又見山陰士擔頭不共挂瓢  
蓑等閑遺卻橋邊履五十九年誠眼中掀然猶疑  
山洗髓忘機王質失柴桑排難魯連直糠粃恥向  
舒州遣鶴飛游移北岫成其是操州留月往來輕  
踏破蘆花和芥子把手逡巡一吸消頤峯對客客  
唯唯著就名山懶立奇剪斷長天疇繼起咄嗟亂  
後人半非為憶蘇仙如未死霜寒松子落誰家羸  
得華陽珠繫耳此事憑翁吞吐間捏塵參香聊復  
爾舉盃分記合盃時十室滄桑望海市從君輕世

正文章嶽嶺  
開雲湘止水

鄺幼父鄺秋蟾詳流寓鄺宏傳內

許演空號洪陽沛縣人由武當遊南嶽訪九仙觀  
古蹟結茅居焉桂藩聞之延至郡時中貴爭建望  
江樓許曰美則美矣不免一堆灰後江樓火人始  
異之著有道德經註傳於世

南嶽紀畧

潘鼎持陝西人與李皓白同時來嶽

國朝康熙甲寅入武當乾隆丁巳衡民謁武當者尙見

之道貌如童

嶽志

仙釋

三九

### 衡山縣志

卷三十六

洪靜陽鼎持弟子也善禮斗

嶽志

蔡玉山攸縣庠生棄家修道居黃庭觀五載尸解

嶽志

潔空和尚南陽人居南嶽方廣寺堅志苦行法門

復興

嶽志

法祥字瑞光號隱南越之岷縣周氏子幼業儒年  
三十二因有所感遂棄妻子披薙學佛嘗登祝融  
絕頂既乃畱住崩劣峯募豆四十八石專精念佛  
以豆爲珠人因稱爲豆兒佛年七十九圓寂憨山

釋德清撰墓誌銘舊志

杜廣靜字越凡句谷華陽洞人生而不樂葷酒不  
喜近內禮宏濟守心受戒律刺指血書法華楞嚴  
二經已乃泛彭蠡如衡湘登祝融絕頂歷七十二  
峯年六十六步履如飛省志

楚石名不祥觀音巖僧與羅念菴為方外交念菴  
有別楚石詩嶽志

明昭字元鑑一字別山黃陂阮氏子值亂離薙髮  
為僧性高潔工詩文著有衡嶽唱和諸詩及櫟堂

衡山縣志

卷三十六

仙釋

四

詩集楚舊志

季總衡陽陳婆子也住姑蘇慧登禪院晚歸南嶽  
淨瓶巖嘗示偈云臥雲深處不朝天剖一微塵出  
大千獅子吼斷黃金索象王耕破劫初田當機會  
得真消息火內重開五葉蓮要與秋風戰一場等  
閑直入空王殿空王殿誰家竈裏無煙燄衡陽縣志  
無學徽州人姓王早歲遊庠為學使熊廷弼所拔  
後棄家披剃攜一瓢入南嶽縛茅以居署其菴曰  
單丁湘人士苦迎出山示偈曰世亂難出山多病



懶開口閉坐深澗中高拱兩隻手府志

按省志於荆紫峯縛茅以居山陰某中丞迎住能仁桂王請演法衡州皆不赴

九龍盆火頭河南人不知姓名崇禎元年入衡陽

九龍寺執火頭役遇溼薪焚香禮拜火輒起吐燄

如青蓮花二十年不言語忽一日執帚為佛掃塵

向韋馱作禮曰來世當再來此地因擊鼓聚眾僧

告之曰三日後當長往矣至期果跌坐而化嶽志

大林姓趙山東聊城人官總兵後棄職披薙誓願

於竈下跪燒三年遊蜀至華山晚歸南嶽結菴茅

### 衡山縣志

卷三十六

仙釋

四

坪事詳寺觀舊志

行勇字不退浙之嘉興人少為農家子方叱牛而

犁靱斷遂有悟薙髮出家遍參諸方見玉林禪師

言下契合遽授以法時玉林法嗣傾動天下勇獨

芒躋布衣隱南嶽蓮花峯府志

退翁名洪儲字繼起揚之興化人姓李氏早歲出

家師事三峯為高弟後十坐道場而蘇之靈巖最

久退翁父嘉兆志士也甲申之變貽書其子曰吾

始祖咎繇為理官子孫因氏理其後以音同亦氏

李今先皇帝死社稷而賊乃李氏吾忍與賊同姓乎吾子孫尙復姓理氏先是中州李邕和寒石恥與賊同姓上書請改理氏嘉兆未知而適與合天下傳爲二理洪儲雖出家然感其父之大節時思所繼丙戌以後東南之士濡首焦原相尋無已而吳中爲最衝皆相結納從者如市其才厚重不洩爲人排大難最多世不盡知也辛卯竟被連染諸義士爭救之久而得脫好事如故或以前事戒之則曰吾苟自反無愧卽有意外風波久當自定又

衡山縣志

卷三十六

仙釋

望

曰道人家得力正於不如意中求之又曰使憂患得其宜湯火亦樂國吳中高士徐枋歎曰是真以忠孝作佛事者也枋所居澗上草堂正當靈巖之麓生平少所可耐寒饑不肯納人一絲一粟之餽顧獨於洪儲有深契自稱白衣弟子洪儲時其急而周之無不受嘗曰退翁是西竺國中所謂大人者也故儀部周之璵三吳之良也臨終脫然談笑逝洪儲蹙然沈吟曰是恐非故國遺臣所宜聞者瞿然嘉禾吳鉏有大志一見輒歎曰軍持中有此

老吾輩豈不媿死一日登堂說法忽發問曰今日山河大地又是一度否眾莫敢對居吳既久明發之慕至老弗衰乃築報慈堂於堯峯祀其父同人私諡曰孝敏晚以南嶽之請主講福巖寺吳人惟恐失之復迎之歸壬子卒於靈巖年六十有九

按撫遺云退翁著有靈巖樹泉集孝經箋說其在沙門氏四十年閱暢宗風篤好人物大類三峯海內皆能道之俟齋先生曰是非退翁心之精微但觀其每年三月十九日素服焚香非面揮涕二十八年如一日是何為者全氏云易姓之交諸遺民多隱於浮屠其人不肯以浮屠自待宜也退翁本國難以前之浮屠而耿耿別有至性遂為浮屠中之遺民以收拾殘山賸水之

# 衡山縣志

卷三十六

仙釋

聖

局不亦奇乎又按退翁嗣法弟子滿天下其最曰嘉魚熊開元故大學士也初依之說法為執爨事退翁一見輒歎為非常人後居華山名正志其次曰宣城沈磨生故監司壽嶽子也壽嶽死國磨生深抱王哀之痛遂師事之後居姚江名大瓠再次曰歸安董說故諸生也經學極博高隱潯溪辛卯之難道場星檝說獨負書杖策入山開講為時下所重後居堯峯名南潛

熊開元號魚山嘉魚人官給諫遭國難披緇衣入

南嶽山中

舊志雜識

大錯姓錢名邦芭丹徒人初官都御史鼎革後髡

髮為僧號大錯事詳流寓並陵墓

國朝曠慧弔大錯和尚詩石塔新成效插竿不緣緇素豈緣官佛仙空界貞心寄富貴浮雲冷眼看忠骨

好從靈嶽瘞枯眉獨向梵王攢知君位應蓮花右  
千古鐙傳一寸丹

國朝

楚雲湘鄉龍氏子明季為諸生亂後披薙投金陵  
攝山棲霞寺繼覺浪主法席與商邱宋犖新城王  
士禎友善釋典之外尤精詩律晚年欲歸隱衡山  
因犖巡撫江蘇畱主叢林不果士禎漁洋詩話所  
稱予嘗以漁洋集付楚雲師藏之南嶽即其人也  
湘鄉縣志

阿諾名文惺湘潭周氏子祝髮清涼寺初不曉文

衡山縣志

卷三十六

仙釋

四

字一且豁悟能詩文法語皆得正詮開席南嶽曉

霞峯著南嶽遊仙記後為嶽麓繼席箋妙法蓮花

經著遊仙記及嶽麓雜咏

湖廣通志

按舊志阿諾列明代省志原湘潭志列國朝今仍省志

趙顏姓何氏江都人初知某縣有政聲中年披薙

嶽麓慕九疑幽勝來主金泉菴闡明宗旨為臨濟

正傳

嘉慶間省志錄甯遠縣志

按舊志雜識述省志錄甯遠縣志趙顏為姬周時人姓何名朝宗江南揚州府江都縣人仕楚令尹有政聲中年披薙嶽麓遂隱衡山慕九疑幽絕因卜居金泉得臨濟正傳闡明禪教有語

錄山居集又按甯遠縣志超顏列五代周謂令尹非三代以後官稱楚當為楚王馬殷之楚其合尹二字恐有誤或為楚縣令或為楚府尹又按嘉慶間省志超顏則列國朝仙釋並錄

以備參考

無心道人南嶽志姓劉均州人順治庚寅辛卯間

至南天門結茅以居日夜閉目坐木榻吐納運氣

冬不爐夏不扇戶不扃鑰糧不隔宿或貽以米煮

為飯呼行路共餐之無心其字號也袁與遊南嶽

嘗見之為作傳傳云道士號無心初不詳其名氏

門下見道士跌坐石塢草室中修軀疎髯癯黃其面予至與之揖澹靜淵間有翩然雲霞氣周視其

### 衡山縣志

卷三十六

仙釋

四

室子無徒侶壁間挂一櫻拂子衲衣百結而綻如故一釜塵封寸許薪水而外無所有蕭如索如不知其何以生活問道士何姓曰姓劉何號曰無心何方人曰均州予喜而前曰固吾同郡人也識吾否道士曰出世多年故不識君子問道士住此修道乎道士曰本不知道無道可修又問爾住此萬山巔風雨晦冥得無懼乎道士曰無懼也木客山精魍魎夜魅皆堪徒侶何懼之有予又曰吾來此作弟子可乎道士曰君世味方深斯言何欺我哉又問吾茲行欲以望日日可得觀乎道士遂不應是夜宿上封寺果大雨昧爽霧氣彌山子以此念道士必有異輿返南天門復止其廬出香錢若干貽道士道士曰可置磬下遂以茶遍餉從者餉畢閉目跌坐一無所言予竦立亦無復有所問惟歎息升輿而去迄山下問之於吳子泰升泰升曰此道士初不知何許人以庚寅辛卯間至南天門依羽人胡某為師又數年胡去而道上獨處距今十四載日夜坐一小木榻閉目跏趺行吐納運氣之

術冬不爐夏不扇戶不扇鑰輝不隔宿有則餐無則飢餓連宵不乞不募山僧有憐之者持升米相貽道士煮為飯亦不自食呼行路者共餐之餐畢飢餓如故日或樵採往輒敬其扉人過之者亦不敢有所取嘗數月無鹽豉朝夕啜水亦無飢餓色經年不下山偶信步惟至黃庭觀亦不踏村市上山中有一僧健訟播虐氣張甚然見道士輒折節下拜道士徐語曰出家子不濟眾則已播虐何為者僧對曰氣故耳道士曰氣何常之有挑之則怒息之則平君姑息之可矣僧慙慙無語而退此秦升之告予者如此袁子聞而嘆曰有是哉道士真修人也世之號為出家住名山者雖遯處林泉之下而心魂鼻息無刻不在王公大人之前跡其所為視搶攘名利人有更甚者何似道士一身而外蕭然無長物有澗可瓢不必其釜有霞可餐不必其廩有雲可臥不必其衲有明月清風可友不必其徒有野花開落可春秋不必其曆有吞息存神熊經鳥仰可導引不必其誦經持咒烹鼎服丹異

衡山縣志

卷三十六

仙釋

巽

哉道士其王十入率子廉之儔歟予不能締交如劉曼好事如蘇軾然欲不為之傳有不可得以視夫世之隨聲附和而不循名以責實者其誠偽輕重為何如耶

大成字竺菴醴陵人少披剃於南嶽後行腳四方

居天目山最久及老移歸南嶽毘盧洞廣濟寺著

有會聖堂集

楚舊志

按嶽志得心印於覺浪和尚住江西壽昌寺順治丁酉移錫南嶽

破門號法智揚州人結茅下火場自名其菴曰石

浪草書最工亦有詩名著石浪破門詩集與樞巡

彭禹峯友善

嶽志

黃中道破門詩跋云居衡山二十

餘年以詩自娛更工草聖祝融紫蓋之精靈與蒲團墨瀋打成一片久不出山以故人黃中道輩遠官嶺外芒鞋策杖渡瀟湘下灘水於炎荒寥落中時共談咏

國朝李呈王次破門清涼寺古松韻二首虬角龍形矯不羣千春風雨暗雕紋嶽靈長養南山下扶蔭清涼萬鉢雲塵尾雄談久借君鍾山寺外日猶曛盤桓共撫孤根下寒色幽姿冷夏雲哀與懷破門山中詩靈草幽花四季芬綠天荒盡不堪耘往來聽得山中句知爾終朝弄白雲郭金臺送破門還嶽詩萬山青翠卷煙波湘上風帆幾度過記取君家南障在石龕應有白雲多曹藩石浪菴訪破門詩小作茅菴作退藏居山總不是尋常窮年鉢覆優曇供盡日鑪焚波律香屋後松濤騰響

衡山縣志

卷三十六

仙釋

四七

細階前石浪湧花長蕉藤書破綠天影飽領高僧戲筆牀

耳住南嶽石頭菴僧康熙五十二年五月山水溢

至菴耳住方危坐誦經忽霹靂一聲水他徙南嶽志

天培吉水人姓劉名常鑑嘗聞爆竹聲得句云頂

門火發響如雷大地山河歲月催始信從前空費

力一重撥盡一重灰誦經苦行十年不寐康熙三

十五年住祝聖寺梵行清白示寂後建塔天柱峯

下嶽志

慧朗臨武胡氏子生而不茹葷七歲披薙武城山

初參曉堂於祝聖寺繼謁瀉山訖蘭後住持嶽麓寺名流多喜與之遊著錄甚富

臨武縣志

曉堂姓楊天培嗣也繼席祝聖寺聿振宗風嘗感猿入定鶯聽經中丞王某贈詩有猿知入定無驚物鶯慣聽經亦解人之句曉堂既寂先後繼席者佛緣佛乘佛格皆曉堂嗣格字慎菴習勞習靜有祖風兼能詩當事禮之及將寂屢聞晨鐘自響或曰此法地示祥也曉堂塔依天培側

嶽志

王齋子江西人削髮祝聖寺執役盂飯終日不語

### 衡山縣志

卷三十六

仙釋

巽

一日往鐵佛寺檢柴為蓬請住僧舉火身端坐蓬

中敲木魚念佛火至腹木魚猶響

嶽志

慧明結茨南坪日啖苦菜曾參曉堂話無生理忽

一日移龕攢柴浴身入龕火化人氏無考

嶽志

按此似非人情學佛者不可為訓

智犁姓張潮州人得心印於龍山和尚闡化廣濟寺日坐白雲深處悟曹溪親切之旨

嶽志

德純姓周建昌人受法於智犁住廣濟寺嘗曰生緣與魚鳥相親到處任馬牛呼我蠅附驥而風追



十里鈴繫鳶而聲入雲中擺卻干戈百草頭他家  
自有通霄路嶽志

克祥住毘盧洞廣濟寺力闡宗風嘗舉拂子云全

憑大家出隻手輔佐老祖舊門庭同時又有心宗

者受法得印三十年不出門嶽志

異目江西人住上封寺偶乘月登祝融絕頂偈云

孤迥迥明歷歷料得幾人夢覺知不是山僧消眼

閉清光空過夜深時嗣法者四正菴統源菴本綸菴

經裔菴興均有語錄傳世嶽志

### 石山縣志

卷三十六

仙釋

四九

按府志異日字長菴南昌人靈隱法孫巡撫周  
召南請居上封寺變幻高潔工詞翰侍郎王澤  
宏給事車萬育暨諸名流與之唱酬所著有語  
錄上封寺志詩文

蒼蒲得法大淵住慈賢寺道德孤峻邵陽車萬育

嘗過之而問法焉滅度後建塔祝融峯下嶽志

湛明幼剃彌陀寺好學能詩參廣濟德純得悟未

生前消息遂絕筆不立文字習靜於青蓮菴影不

出山嶽志

李道人籍江右棄家室妻孥來南嶽於上封寺後

壘石爲小室坐臥其中寒暑惟著一納與人接無

疾言遽色數十年面不改容足蹟未嘗出山門

舊志

羅道人棄家雲遊十餘年歸住江夏山中後結茅衡嶽之麓宅不築垣堂不設戶亦無牀竈辟穀兀坐者又十餘年身長青毛不似煙火中人客至談論惟云爲臣忠爲子孝卽是大道辟穀修煉其末也人餽衣食多卻之堅請畱則以食飼猿鳥衣置石上其所居虎狼穴也荆篠蔽塞其徑訪者披蒙茸而入雖遇虎狼不爲害其山爲熊羽經業羽經多病嘗裹糧入隨之數日病少瘥云道人夜半後

衡山縣志

卷三十六

仙釋

五

不知所往及日高方歸身沾多露後聞訪之者絕不與言訪者亦漸希云

見聞錄

等映姓湯氏少祝髮白雲寺每不耐煩允申歲結茅寺左其徒與俱悉叱去歲送穀幾斛供佛飯一食或半盃冬夜常單被幼精外方人來請衲衣芒屨逕去不關菴門得錢或散置屋隅地道友至忙走貰酒俄而見地角有錢恍然也酒醺愛禪語嘗自言前身是猿後身亦不復作人寺眾厭其廣長獨一僧名寄南者常攜酒共飲又有老僧松濤頗

曉語錄嘗遊廬甌參諸法乘人問等公松曰白戰  
非三十年不能如渠

舊志雜識錄彭孚白雲篇臚說

無名道人咸豐間來南嶽栖石巖中日夕兀坐不  
食不語亦無衾褥身著單布衣敝垢殊甚蝨蚤外  
出不稍捫也邑歲貢曠學熊往謁之道人點頷投  
以煨薑一片詢氏族里居卒不答後數月委蛻於  
巖畔占松之杪土人取尸瘞之輕如蟬蛻云

胡永德字勤學終身齋戒至誠感神歲旱鄉人延  
求雨澤立應弟永泰字尊福亦如之年七旬餘嘗

衡山縣志

卷三十六

仙釋

五

一日詣黑沙潭禱雨往返百餘里健步如飛